



淮安府安東縣志卷之十四

藝文志下

吾言古

連上題樊氏水亭

高

適

達夫
渤海人

連上非所趣，偶為世務牽。經時住歸棹，日夕對平川。莫論行子愁，且得主人賢。亭上酒初熟，厨中魚每鮮。自說官遊來，因之居住偏。煮鹽滄海曲，種稻長淮邊。四時常晏如，百口無饑年。菱芋藩籬下，漁樵耳目前。異縣少朋從，我行復述。遭向不逢此君，孤舟已言旋。明日又分首，一作手風濤還眇然。

安東縣志

卷十四

藝文下

一

連人別王秀才

飄飄驚遠道，客思窮滿愁。浩蕩對長連，君行殊未休。崎嶇山海側，想像無前儔。何意照乘珠，忽然欲暗投。東路方蕭條，楚歌復悲愁。暮帆使人感，去鳥兼離憂。行矣當自愛，壯年莫悠悠。予亦從此辭，異鄉難久留。贈言豈終極，慎勿滯滄洲。

黃河謠

陳孚

長淮綠于苔，飛下桐柏山。黃河忽西來，亂瀉長淮間。馮夷鼓，狂浪崢嶸雪崖墮。驚起巫支神，腥涎沃鐵鎖。兩雄鬪，不死大聲吼。乾坤震撼山嶽骨，磨蕩日月魂。黃河無停時，淮



亦流不息東風吹海波萬里湧秋色秋色不可掃青烟映
蘆花白鳥一四五長鳴下汀沙黃靈奠四瀆各剖盤古千
古今合流神里胡乃爾漁翁一鬢霜遍舟依古樹隔浦欲
扣之翩然凌波去

詠安東

楊子臣

連水昔稱軍乃不營百雉藟裡關四門跛牂不可制性見
畚下城今作城中寺念茲遷者勞緬想陸沉勢煎鹽貴天
產商賈操其利營屯事可尋海堦無寸棄載葦高于山寨
河聊可備偉哉漕海策詎以粟戲探物從左脅迤提效亦
異三折臂乃良任事勵厥志

安東縣志

卷十四

藝文下

二

邨居

王禮志邑廩生

性僻寄林幽孤懷淡野築柳絲暗溪烟條條覆山麓草大
恣所生好鳥聚成族凱風自南來細雨澤長蓼老農負鋤
還知策載歸牧欣然謳且歌濁醪問種稔主人散衣冠倚
徙坐巖各開卷感古人對此晚風沐

寄徐大拙連水

靳應茶陂山陽

去歲君別我殘雪猶在地今年櫻筍繁乃復接君字兼致
友人詩謂為我所嗜開函展讀之老句鬱蒼翠乃知三素
堂邇來無一事我貧正如斯安坐以見志典衣買春醪聊
尋雪謀小醉量君亦常飲非酒莫為寄詞客過連東往來

足嬉戲倡和聞亦多古調或復異今日殊寡歡只此強人意南風日日吹鶯花尚無媚急須求草廬高嘯一把臂

青陵臺詩

邑北有雙墩名夜合相傳為韓憑夫婦墓

濮

愚山邑選貢

道旁有雙墩相傳是古墓墓中復何人韓憑夫與婦死後穴則同益觸君王怒兩兩對峙間相去逾百步生既使之離死復不相附一朝梓木生枝葉相交互兩墩若為一因名夜合故魂魄不可間綢繆亦已固倏忽化鳳凰悲鳴集其樹節義併成生中夜哀如訴奇樹豈長留鳳凰久戢羽惟古墓存千載泣行路

送余念峯任安東

蔣繼軾 江都人翰林

安東縣志

卷十四

藝文下

三

髯公跨馬行出宰安東縣淮陰地劇煩茲邑足閑宴賦少易征收民淳簡決讞矧負製錦才吏術夙嫻練但祝黃河安千里靜漠淅坐看赤麻豐四境絃歌徧我家謝公堤水程舟一牽君姓謁上官停駛暫留憲荒邨蔬可烹湖近魚可饌寄諭兇曹迎侍訓荷溪眷

重新

孫超宗 自超邑貢生

海國鎮靈秀河濱還三連鬣俊遺踪久仙佛多奇傳百雉黍離咏兩岸平蕪連能仁留巨塔碩項失潺湲豹隱春風日龍歸夜兩年神丸騰空去堙迷何處泉霧霏襄陽筆勝

蹟亦堪憐星當斗牛會水發黃淮淵慨茲八佳景而已一
無全羊公登眺歎杜子陵谷逸即今何幸矣際我神君賢
不獨甦災疫亦且振廢捐南宮舊墨池一朝何新鮮碣石
廠軒裏構亭清溪邊綺牕映彩霞畫棟樓雲烟淋漓飛藻
翰詩賦選青錢荒敞增氣色風景頓超然桃李載明德何
陽未能先絃誦皆雅化碑銘六字堅高山仰咫尺如將覲
米顛

七言古

洪水篇

朱德重

黃河一派來天關海門東去折復還銀河直下千萬丈靈

安東縣志

卷十四

藝文下

四

根倒挂斗牛間浩浩崑崙湧不竭繇繇襟帶原相環上由
青徐下淮泗頻年作青民凋殘毒龍乘之怒且吼鯨鯢鼓
鬣千層翻蕩我田兮朽我舍亦巢土窟那能安野憐漁火
不忍見九衢三市皆揚帆閭閻翻作蛟蜃穴馮夷晚瞰幽
居閑陸地茫茫盡沉溺會見襄陵與懷山水兮水兮胡不
望尾闕以駛赴日依城郭興狂瀾詎若漢世瓠子決歌謠
至今垂班班連民困窮亦已甚天胡不惠俾惟艱吁嗟乎
河伯不可訴天公不可扳白馬蒼壁今已盡神禹千載何
當還安得一展濟川手大拯黎庶俾歡顏

初見淮水

薛

鑿

淮安守
魏縣人

崑崙欲倒星海微黃龍飛走出人間奔馳坐使看無力竟
入東海挽不歸偶上仙槎入淮浦欲見清流自千古但今
河伯知我心莫把沙泥溷此土

上趙少師并序

自宋之楚千里之遠也趙公少師致政之六年年且八十
乃眷然東顧束裝載舟順流而下浩然而來所以照
臨山陽也山陽公布衣時所居也自為紳大夫諸生官
府之吏下至幅巾閭巷之人識與不識皆喜而相告也
徐基實辱公義方公之來宜其率先眾人馳省于首一
拂几杖而操之從諸生之後視飲食起居之節何如樂

安東縣志

卷十四

藝文下

五

夫鄉人父老日呼子弟洒掃朝夕以伺公出入肩輿安
車唯公所御角巾鳩杖唯公所之新阡廢圃唯公所問
溪林大木唯公所識臺池園榭城閣燕遊之觀唯公所
指故居旁舍對廬同巷之人皓首黃髮其存唯誰唯公
所訪念故迨昔感之為嗟歎娛之為笑樂童子在左冠
者在右二三父老奉卮酒進湖魚淮蟹洞庭之橘雜以
脆甘盡東南之美唯公所欲然後取公之德述而為樂章
使琴工奏之公莞兀而聽之可也坐則公侍行則公隨
此公之遊故鄉人修子弟之職義當然也乃不幸而有
疾不獲少如所愿者切自恨憫顧無可為因言而為詩

為公一笑之娛也

義高德厚賢在躬進榮退美光初終越有神明相元功疾
憂之外康寧中乃眷乃顧爰徂東徒御雖寡人望雄其高
可仰厚可宗茲行允美江淮風父老相呼告兒童

三朝無事繫厥忠公謀公惠世所蒙肆安于賈田安農温
衣蔽體食飽胸小攘大竊消姦凶州牢縣獄囚多空歡心
和氣成年豐汝曹雖駭念所從汝心汝貌加愛恭薪蒸勿
采米勿畚亟歌屢舞馳省公有人昔與公車逢汝陰穎尾
洛與嵩山有迹兮水有蹤水之鶴兮山之松一朝賜號道
遙翁馬資僕貴官與供汝曹努力吾老癯公若再來勤築

安東縣志

卷十四

藝文下

六

宮

漣上贈劉中尊洪水災邑時方有事河防

董潤翰林
翰榆人

河流日夜疾如駛西極尋源此竟委萬里雲帆向日來各
城遙對崑崙起濁海洪濤相闕虺東風回射雪山歸天臺
客去幾時還帝遣人間救蒼瘼疑傾銀漢洗兵塵提封轉
半屬鮫里卓哉難量使君才兩歧三異從茲始滿簾秋色
照君心河水門前清若泚會看雙鳧下玉墀柏臺桐板近
于咫

和董良韻並謝叅議河防

卜永昇邑進士

澎湃長淮一奔駛河伯亂流嗟響委聲若轟雷挾怒來洪
濤倒翻驚欲起哈呀勾磔放狂逐夷墳劇麓截山歸萬竈
逐波去不還渴渴四濫滋民瘠浮沉萍邑海中塵賢愚共
沒無安里五雲頭降拯溺才筆砥洪流開治始琳瑯敲擊
好生心愧難裁和徒沾泚應知金馬發瑤池平地成天在
于咫尺

雲梯關觀黃河注海歌

田雯

德州人
大中丞

章亥不到天墟遙崑崙一竇通重霄漢津初竚坤軸折馮
夷沃焦紛來朝雍州積石河之首龍門下瀉隨風颭底柱
孟津遠大任中華沙漠連元枵洛水迤東大陸北地平土

安東縣志

卷十四

藝文下

七

疎山不搖一出伏千萬里大曲小曲風雨飄濁黃一斗
沙居六風輪陣馬無停鑣穎毫徐宿在唇齒曹濮單鄆排
脊腰雲梯古關尾閭地樽滄桑澳誰相招來自天上歸地
底不知此水從何消三門四折又九派錫圭之祖烏能祧
碣石既沒苦泛濫故道不復悍且驕白馬沈後無消息
子浪湧橫沈寥議築議塞日聚訟治河治漕羣嘒嘒賈讓
賈魯各前席史冊言在作準標華容武功印川子其人羅
立如斗杓闕前下馬搜遺跡天晴海面拖青瑤洪濤光駛
礪碑電黑齒旗豎龜鼉橋始悟萬物有歸宿浮生馳逐朱
顏凋精衛啣木究何益尹公術幻真無聊落日西風透白

裕岱連愁聽番禺潮寄語司空密底績山行乘攢泥行

古瀟湖

張蘭勳 邑庠生

古瀟湖漣東秦書碩項湖廣八十里疆界殊郊國厚邱分
道途水聲澎湃震天都直下大海狂瀾無長夏荷葉秋茨
菰飛鳴宿食看鷓鴣鷓鴣高低雁在蘆夕陽歌唱有漁夫
來去檣帆越與吳採取魚利倍田租千百餘年人歡娛黃
河漲決水不洩魚道今為牛羊區東南其畝草芽芽桑麻
禾稻何膏腴度支籌持不用需

贈朱母蘇氏節孝

陳 詔 太學生

當年挾策向燕邦南遊太學帝之鄉盛世高風崇善良清

安東縣志

卷十四

藝文下

八

朝首政重綱常遙觀四海何渺茫會見三漣有共姜隱隱
楚山鍾琳瑯悠悠淮水浴清光朱門我特螢殲殤貞盟永
守謝鈿粧青年寂寞期同喪白首淒涼稱未亡敬養椿萱
期壽康撫摩雛鳳飛翱翔勤操井臼歷冰霜苦運杼機守
松篁一節兼成慈孝彰九重遙覽降褒章明珠耀歛玉韞
藏牛眠從此生輝煌乾坤正氣何昂昂幽蘭不改香風長
楚野景星燦光茫海涯麟鳳昭呈祥世間多少憂無裳闈
風感德應羞惶我為千古振頽綱不勝抵掌罄揄揚

頌朱母節孝

蘇天爵 邑庠生

朱門有母走之姑于歸何幾哭厥夫自分捐棄歿與俱蟬

蟬敢惜未亡軀為念姑舅景桑榆膝前猶長未飛雛我生
不憇誰為謨睜言顧之死且徒泣血吞聲絕復蘇殷勤老
稚無他圖丹華刻削夜辟蠶精調互飯紉衣襦冰霜歷盡
勤且劬金石其心永不渝一朝姑舅入蓬壺箕裘有子廁
名儒迺謂夫君託不孤子子吾身可已乎偕生偕死死更
渝欣然長笑歸冥途節孝雙全晚近無未絕綱常真可扶
墓碑已將淑行鏤天子欽題併列衢阿母雖亡名未徂清
風凜凜追蒼梧我忝外戚辭豈誣愧無椽筆感張鋪敬羅
巔未三於戲留作他年太史符

建文峯閣

孫 慤 邑州同

安東縣志

卷十四

藝文下

九

黃流奮迅週連城千迴百折此盤縈南北固陵相對峙是
須高閣東隅撐但虞所費亦非易傾囊獨任未敢遲音一
朝翬飛經營成用資吾邑文峯瑞嵯峨直上高巍巍恍疑
椽筆五彩輝文運風騷代無歇翔鸞翥鳳爭歔歎誰謂地
瘠當斤鹵那知人力足堪補玲瓏面面映雲霞創建此閣
橫今古

贈張氏貞女節烈

劉 儒 邑廩生

吾連之西接淮黃東控大海望扶桑浮圖高聳逼穹蒼地
鍾正氣邁尋常王公忠孝永留芳更有節烈適相當篤生
名閥性端方待字朱門擇配良無何夫子忽云亡閨中聞

訃淚沾裳絕粒哀號欲斷腸誓死貞心自主張一朝殞命
向帳房玉碎珠流最可傷生前未得匹鸞凰歿隨地下亦
何妨大節真堪傲雪霜遠邇欣傳齒頰香珂里家聲益有
光士民奔籲詣公堂應邀旌典享蒸嘗留得芳名奕世揚

墨池雲烟歌

陳世景 所軒本
縣教諭

天地氤氲涵萬有鍾育名賢良不偶名賢遺跡簡編存後
代仰之石山斗米公湖海軼群才磊落清狂坦曷懷文章
險峻驚天下過石欽崎輒拜來宋時捧檄知漣水政簡刑
清黜淫祀寶晉齋頭一事無左圖右史盈書几興到揮毫
姿致奇龍盤蛇結任傾欵終朝滌硯暑傍水至今人號米

安東縣志

卷十四

藝文下

十

家池池水滌硯研水黑黝然立冥同一色浪蹴雲霾上九
霄波蒸烟霧橫千尺公去池邊幾百年雲霾烟霧尚依然
鬼神呵護靈光迥不與滄桑共變遷顛翁手澤留于此顛
翁文心即在是文心手澤化雲烟萬有千秋終不止吁
嗟乎一泓池水能幾何欲比三江四瀆色多祗綠舊有名
賢跡傾動詞人發浩歌

大成殿落成歌

張

涵 淵度邑
鹽運判

日星光耀聖人出朗朗聯珠與合璧文明運會際中天夫
子之宮遍九域漣瀟東海殫丸城類璧由來枕荒寂憶昔
鰲驚地軸翻龍飛歲紀康熙七洪波又復滙支祈藪爾疊

遭陽九厄城垣傾盡廬舍圮黷宮變作蛟龍窟即今天地
慶平成規制未整猶瓦礫澁澁白日嘯顏垣禮門義路生
荆棘殿堂何以妥先靈棟牖曾不蔽風日雍容雅化弦歌
地衰草寒烟餘舊跡余忝備員來司醮展拜塔墀增跋踏
普天莫非聖人徒敢云越俎非其職勉捐清俸累錙銖誓
為宮墻大整飭但憾蛟蛇難負山襄贊端賴諸公力前有
伍君今余君相與同心而劈劃鳩工庀材議始興風雨九
天轟霹靂癸卯四月念五辰大成殿傾人震兢在天靈若
欲更新故使權萌待重葺奈心惴惴不敢康例筮傾囊興
土木江南遠構棟梁材延致上師集匠役為嫌湫隘擴其

安東縣志卷十四 藝文下

十一

基宗比舊時加大尺雕甍畫棟聳雲霄隔越黃河現簷脊
繚以週廊護短垣暈斯飛兮鳥斯萃竭蹶勞心三載餘風
雨何曾輟晨夕歲在丙午始落成月紀嘉平日念一恭迎
神位奠攸居天日煥采祥雲霽衣冠肅拜俯塵埃儼若尼
山來彷彿笙鏞俎豆各生光簋盞稻梁貯黍稷俎醴肴核
錯雜陳馥馥馨香歌有飴羣公把酒獎余勞命余一言紀
其寔余聞中心滋殷憂多少規模未全畢天假吾年次第
成濟濟英才興樸槭竹苞松茂亘千年再頌雄飲澆胸臆

送余念峯之任安東

姚三辰

仁和人
翰林

雙湖之水東海來奔流擊石聲如雷南連北連分派通紆

徐函曲環城浪贛榆左帶沐陽右夾縣繞郭琴堂開我友
鳴絃值此地仙鳧飛鳥相沿洄羣鱗雲集魚樂國烹鮮遊
及餘恢恢所喜百里非緊望分符出宰煩長才漫携錦江
濯錦手一試花縣花枝栽千村明月靜桴鼓四郊陰雨清
氛埃星輅此去剛四月桑間雉乳馴呼媒循聲異續行立
奏民歌樂只南山臺况復官舍足迎養白華芳潔賡南陔
出視堂皇真杜名入承色笑如嬰孩冰俸乍頒開綺席玉
卮雙捧浮醅醅天倫樂事一室聚班瀾舞袖掀于鬢我聞
詔官湖自昔青蓮題品震九垓矧此雙湖三萬頃上映列
宿光昭回清風披拂湖水淨高名千載同奇瓌更展孝思

安東

縣志卷十四

藝文下

十二

錫不匱波流浩蕩仁恩推會看一雙鷄鶩起瞬息報政登
垣臺

鳳凰墩

朱師旦 邑廩生

始元東海鳳凰鳴鳳去空留墩崢嶸墩距連城十餘里文
明兆瑞傳芳名鳳凰本為聖人出岐山翮羽成嘉貞合璧
聯連天地秦海不揚波洪濤清彩翮來儀錦爛熳難啣雲
際叶蕭笙鏡却墩傍芊芊草梧竹培來歲歲榮

長短句

過黃河

淮水清淮水黃出門偶爾同異鄉排空捲雲若飛電隨風

逐浪庸何傷東流入海殊不惡萬里同行有清濁

黃河水

黃河水西來一折一千里四折東流歸渤海淮濤濶浪深
無底舊傳一清三千年聖人乃出天下安河水之清一何
少吁嗟至治何由還我願河水年年清聖人在上聖復生
千齡萬代常太平

安東縣志卷十四

藝文下

十三

五言律

孤祠淨宇宙香火自春秋世主聽雖啟好臣骨尚愁好懷
增感慨壯士憶追遊莫為忠貞苦芳名千古流

徐相 鹽城人

題顯節侯祠步徐韻

蕭蕭顯節廟颯颯松桐秋飛洞荒烟冷空墻宿霧愁絕知
借劔勇不愧龍逢遊天地此遺直長淮萬古流

徐一臯 清河人

詠安東

方尚祖 淮田人

平野原無際東來現碧岑灌湖標石護連水奏清音
巖舫叢烟裊鳳塚逸韻沈溇回人答雋遙隔羽潭潯

漣水夜歸

殘水留寒月宵征路正長人迷黃葉渡馬縮白橋霜野袖
隨鐘起田夫喚犢忙河流聲不遠夜半更蒼茫

安東道上

閻爾梅字古

秋雨黃河岸盪沙漲菽渠來方冰雪始歸已芟芟疎周道
殊艱步勞人敢定居室室何處問身外早無餘

天河閣書懷

萬壽祺年少

長淮流未迴風雨日愁余天地今如此江湖未易居故人
春雁濶世事夜燈疎禁足雙林寺年來懶報書

冬日寓安東悉容上人房

張應錫山陽人

安東縣志卷十四

藝文下

僧伽多妙理容舍會元詮只解生為命誰知靜是禪寒香
浮牖過山鳥近眼漫道殊雲物吾家襟帶前

能仁寺謁臥佛

吳一元明知縣

臨寶歸元去蓮花赤岸留澆賜萬劫淨正果一炎收觀世
掌中眼駕風石作舟我來水上訪古拜仙婁

其二

覺先愛覺世何事只長眠似厭囂中苦特尋夢裏緣靈光
半塔迥慧性一龕懸料應茶毘後墨香散諸天

登能仁寺塔

董潤翰贛榆

盤雲秋望迥城郭等浮巖河水黃三面人烟碧萬家南分

吳地 脉東盡楚天涯縱睨登高處乘虛興奢

過章化寺看米南宮舊題寺額後增一禪字

湯調鼎清河人

墨跡存蕭寺鄉人重大齋八分裁大篆行草落春窈石鑿峰全秃金鋪色漸黯何為僧好事畫足損名題

康熙乙巳仲秋三日夜怪水涖田沒民

連古無安地今尤不得天怪風田變海異水尸盈川三面烟火絕溪更鬼氣聞萍城危若寄何策望生全

邑進士卜永昇題

倪長庠 贛榆人 進士

十五

安東縣志 卷十四 藝文下

過安東

漣水經過地波塘二月秋荒城斜倚岸舊市淺通舟絡索行人少聯拳宿鷺稠啣泥新燕入紅翠失飛樓

渡黃河

倚櫂發狂歌蕭蕭春渡河綠柳垂地少白舫坐人多水勢奔如此天風吹奈何乾坤榮一帶民力困滄波

咏安東

斗大安東縣荒城數尺高是田皆斥鹵有地但蓬蒿夜雨連鹽漬秋風泣石塢縷堤幸不潰十日水歸漕

大悲院 內有銅鑄準提像

濮瑤

滇南鎔鑄遠萬里到淮安真個金身現從來炎氣盤一輪

懸慧日千指幻旃檀願力慈悲滿誰從浩劫看

自西北鄉回縣途中喜雪

勤民敢遐逸驅馬雪中回鴻雁聲俱寂梅花樹遍開人家
堆玉屑大地盡瑤臺自是
熙朝瑞豐年不用猜

送余念峯之任安東

許五猷

嘉善人
詞林

西蜀峨眉秀髯蘇有後身詩翁今作宰長吏最親民爽氣
澄連水清風到海濱神交米海嶽先後盡詞人
聞說安東縣魚鹽利最饒河流通碧落海氣接青霄古寺
留仙蹟鐘聲帶晚潮公餘閒攬勝盡寫入詩瓢

蔣洽秀

全州人
侍御

安東縣志卷十四

十六

才子分符去驅車向海端離羣驚客夢惜別見詩篇政布
清和候琴彈連水邊遙知甘雨沛卓魯行能傳

霜封方百里地瘠仰恩波漁獵生涯渺

淮倍貧民多以
捕魚為業

鋤斥鹵多撫循勞上策康阜欲如何奏最來
丹地還期

載酒過

陳

法

安平人
詞林

獨携琴鶴去握手惜餘春君看離亭柳枝枝青向人雲山
淡楚甸烟水接淮濱南國相思處悠然望白蘋
最憶襄陽老人傳赤岸名楚山當縣綠連水至今清問俗
魚鹽利為官冰雪情知君勞撫字淮海有佳聲

弔曹實夫孝子

張鴻儒 劬思邑舉人

悃悃傳真孝依依孺慕中
剗肝拋性命盧野飽霜風
力竭寸心碎身孤萬象空
夜臺渾不遠魂夢許相通

西方庵

張蘭 秘字虞生邑廩生

東土有西方琳宮倚女墻
水環心鏡潤風定雨花香
今日藏經閣當時選佛場
恍疑塵境裏真現白毫光

七言律

宿淮浦憶司空文明 連水東漢為淮浦縣

唐人李端 正己趙郡人

愁心一倍長離憂
夜思千重戀舊遊
秦地故人成遠夢
楚天涼雨在孤舟
諸溪近海潮皆應
獨樹邊淮葉盡流
別恨

安東縣志

藝文下

十七

轉渡何處寫前程
惟有一登樓 轉字一作最

連水夜宿丹房贈羽士舒玄靖

明正統金

銑 山陽人廣信府知府

仲冬望日厭舟航
移宿三連羽客房
月滿松窓如畫
白夜添花漏似年
長心猿擾擾知魔境
夢蝶翩翩鄉醉想
何得道成無所繫
日傾亢露舞霓裳

和前韻

益華 邑舉人

不踏維羣一葦航
乘閒散步過雲房
雪晴風暖塵應少
冬至陽生日漸長
羽客有情吹玉笛
塵緣無夢到仙鄉
天宮獨羨天孫巧
織就雲霞勝錦裳

和前韻

袁清

小泊柳堤蓮葉航青蒸扶我過丹房影中松院雞聲午雲
散海天鶴背長玄境大都遠人世紅塵老不到仙鄉白雲
石上童休掃留視眠時薜荔裳

和前韻

官賢青州人進士陝西按察司僉事

淮水西風阻客航短蓬寒影照山房滿灘新漲鷗波濶一
片閒雲鶴夢長綠酒黃花臨九日青山碧海界吾鄉十中
中外成何事慚愧貂冠與繡裳

上真觀逢夢

袁清

夢裏當年遊上真碧桃開謝幾回春遍觀勝景曾經日獨

安東縣志卷十四

藝文下

十八

倚西樓欲愴神千里依稀非旅夢三年彷彿是前身向平
待得塵緣了作個蓬萊頂上人

題能仁寺塔

塔高高處却無天塔上臨羽化仙織女機聲當檻外姮
娥桂影蔭窻前下方星斗垂纓絡大地山河下勺拳安得
乘風從到子徜徉寥廓獨飄然

題顯節侯祠堂

王益謙 邑進士

眼刺奸雄熾虐秋薰天氣燭一封收栽培李室三宗業照
雪唐家百宰羞凜凜英風掀宇宙堂堂正氣負山丘崇墉
廟貌依淮濟尤障狂瀾砥巨流

其二

人猶病國眾咸知勢重如山孰敢移不矢丹心勘國亂令
甘蜜口濟阿私軀捐首碎當斯際陰剝陽回在此時子母
忠賢天地老每瞻遺像振人思

金城晚照

萬鑑邑人

天邊落照映荒城云是金人建此名千古夕陽空雉堞一
川烟雨雜鴉聲雲飛極浦漁舟晚暝入平原牧笛橫幾度
登臨翹望處離離禾黍倍含情

賢母荒墳

李室忠臣母氏賢一杯荒壠瘞淮埂祇因應教子勤名節

安東縣志

藝文下

十九

遂使芳名入簡編編返千年華表柱人歸長夜茂陵阡我
弔古尋幽處默對西風思惘然

赤岸寒潮

遠漳狂瀾赤岸高長淮風吼浪聲豪鯨人夜泣翻銀屋河
伯冥靈鼓雪濤流出山源桐柏水波搖地脉海門潮年年
東注朝宗去誰復臨川歎逝滔

詠唐侍御王公

鄉賢賈進邑舉人
按察司

持身剛正振綱常凜凜威風遠近揚執法太微那敢犯逆
鱗孤節敦能方大廷三叱柔奸退汗簡千年道義彰愧我
不才居後進萬無一二踵餘芳

三叱權阿氣肅秋倚天長劍斷虹收靜觀奏牘忠言切深
使奸雄掩面羞未上彈文先白老母左遷司戶竟封候忠
君孝母兼全節名與長淮不盡流

歐陽周 河南舉人
邑知縣

題化龍橋

袁清

奔月姮娥古昔聞靈魚龍化更奇神空餘寒碧溪頭水老
盡往來橋上人曳杖僧歸天竺月携家仙住玉京春丹爐
丹井依然在 不覺登臨感慨頻

旌趙母王氏貞節

嵇

錮 邑舉人
知州

遺孤泣抱掩中堂一寸含灰半世孀孟母班行齊行檢共

安東

縣志

卷五 藝文下

二十

姜譜系叶剛方緇塵不染麻衣雪膏沐難侵蓬髮霜贏得
天書旌苦節良人宿草亦生光

漣水八景

百雉名城瓦礫中一場金粉繪虛空歷陽廟杜沉秋水海
市旌旗散午風遠捕鷗羣鱗梵宇青天漁網曬離宮平沙
落日霞如綺還似瓊樓舞袖紅 金城晚照

河吞淮泗奔滄海若相迎亦到漣新漲每驚漁浦上舊

痕嘗接雁沙邊乾坤闔闢盈消息朝暮盈虛自往還閱到

龍池觀赤岸風聲雨意聽潺湲 赤岸寒潮

浮堵波城插紫烟梵王宮殿接諸天江河海水杯中瀉日

月燈光斗際懸法雨廉纖石磴外慈雲縹緲畫欄前罡風
九級簷鈴語替戾岡來喚老禪 能仁寶塔

夢落漁簑汎淼茫玻璃萬頃試鳴榔迴紋鮫室開新杼展
鏡相靈拂素粧雨岸芙蓉江月近一聲鴻岸楚雲涼倘教
我作鴟夷子定戴莪光老是鄉 顧頊清波

小架垂虹跨練暉相傳尺木破空飛俄成鱗鬣緣丹藥頓
鼓雷霆上紫微行雨未能忘故處深宵時復一來歸蒼生
四海同憂旱莫抱珠眠便息機 龍潭夜雨

萍蓬書劔暫棲遲豹隱堂傳趙少師雪盡難傳鴻爪跡桐
枯猶憶鳳巢枝青雲楓背君王夢黃絹蓉城主者詞庭院

安東縣志 卷十四 藝文下

荒涼人去遠春風吹綠草離離 豹隱春風

虎坎龍離大藥成昔人服食已身輕還從金鼎分靈舫付
與銀床待後生盃井盈盈甘露水瓶聲謾謾煮茶聲看予
行滿三千日鶴背天風覲玉清 丹井甘泉

波搖寒影上鬚眉云是襄陽洗硯池當日已傳顛是韻後
人漫笑潔為癡每逢霧起連漪上輒想雲生海嶽時欲出
先生雲霧裏秋江寫意更題詩 墨池飛霧

連水八景 步叔父刺史公韻 嵇 瀚 邑貢生

淡雲疎雨夕陽中極目當年壯麗空椒殿金鋪虛返照人
冢蘋末起秋風遠山如黛開生面碧土成花沒故宮消盡

豪華歌舞散一川流水亂絳紅
金城晚照

間關河伯賓大澤滙激徐波及古漣十尺雪飛皎月下千
層花湊赤堤邊只憑至信終今古詎為奇觀浪轉還欲泛
仙槎從此去海天深處聽潺湲
赤岸寒潮

亭臺筆立寫縹烟呼吸可通忉利天雲捲有時依楯宿日
閒隨意傍簷懸星槎幾點青霞外海鶴雙飛玉塵前絕頂
更須一進步英雄不老婆禪能仁寶塔

澄湖如鑑照蒼茫柳岸陰陰響桂榔難雨難雲小米晝且
濃且淡河西粒蒹葭浙瀝秋風爽漁火蕭疎午月涼擬買
扁舟謝塵事移家附籍水烟鄉
碩項清波

安東縣志 卷十四

藝文下

二十二

鈎翰聲外送斜暉潭上如烟暮雨飛恍惚神龍初破壁直
疑哀玉振玄微鏡中夜冷潛鯨泣海外山枯石燕歸為愛
瀟湘雲氣滿疎鐘何處發清機
龍潭夜雨

杖藜攬古意遲遲俯仰先生一代師此日春風空豹隱當
年夜月寄烏枝細尋流韻惟芳草再拜招魂誦楚詞搔首
荒堦重延竚孤烟暝樹正迷離
豹隱春風

黃芽白雪九還成道濟心殷至寶輕半黍蟠飛聊爾爾一
丸源醴自生生良時猶見玄珠煨午夜嘗聞鉄笛聲滿地
綠雲悟影亂銀牀玉共秋清
丹井甘泉

曾觀寺額挹芝眉又見衙齋墨霧池拜石端章從所好潔

身違俗也非癡佳人去後留餘韻勝跡于今異昔時黯黯
小塘凝老碧惘然懷古漫題詩 墨池飛霧

踏災郵安東題壁上

正德七年

薛鏊

淮安府魏縣人

曉發輕舟月色新永懷不寐為斯民頻年饑饉連城日何
處流亡夾道塵但願蒼瞑終雨粟坐收淮海此陽春新疏
未具先題壁淡夜應知泣鬼神

宿金城寺寒甚

楊浩

淮同知雲南人

背陰殘雪凍瓦瓴月色微茫映毳毼寒透重衣雙腳鐵夢
回孤枕一肩冰客房寄跡如遷客半壁殘燈伴夜僧却憶
當年安享處累廂香裡夢魂驚

安東縣志 卷四

藝文下

二十三

西赤岸曉發

張文光

祥符人進士

轉眼輒分今古情秋風偏送往來程五更月照他鄉影萬
里河流故土聲諸念有時催夢短此身何日了凡輕南征
橘酒行將熟且其湖山說舊盟

試諸生

亦詩教

淮推官萊無人

十年回首壯心驚學取閑居賦未成漫向風塵堪戰蟻聊
從章句論雕蟲豐城夜氣冲天近太乙藜光入夜明今日
雄文那可似大開青眼望諸生

飲能仁寺

徐應元

贛榆令滄州人

良宵何幸接高歡四海才名足二難塔影橫牕催漏急風

聲入戶逼人寒客逢知己情愈密話到論心量倍寬盡醉
歸來渾是夢零零清露透雕鞍

丹井

呂

律

明知縣
滄州人

銀牀澄澈重仙人苔蘚斜侵玉液新麗日晴含丹井見微
風軟入綠紋勻九還開鏡平欺玉一粒揉波不染塵天為
聖明星瑞兆醴泉長湧世如春

漣水八景

嵇宗孟
州府知府
邑舉人
杭

義和退食自巾車別有螭龍饑故墟戈汗魯陽三合地花
盤灰野一枝餘河干帝女春縹雪雲裏天孫夜曝書直為
山家無暮氣翻教冷落玉蟾蜍

金城晚照

安東

縣志

卷十四

藝文下

二十四

廣莫風團雁口沙波臣推轂水之涯黃中一氣通霄漢春
雨半帆坐雪花蛤母編珠嘗入貢鮫人張鼓自排衙天心
會有盈虛理我欲崑崙訪石槎

赤岸寒潮

黃河萬里走乾門東去為朝百谷尊遺有玉龍嘗見尾頻
教佛母笑無言岱宗雲物來天馬海市烟樓挂月痕但問
淮南雞犬信人間瓦釜不須論能仁寶塔

西望平湖接錦涿鳧鷺從此拜提封大河如帶將支子表
海為乳號附庸春浦無人留去雁白堤有意護眠龍我
思小艇同天坐細割雲根代雨峰

碩項清波

神物先天總百靈大丹趣駕起滄溟人從風雨聽車馬帝

冊江河役典型月黑魚梁思旦旦夜淡佛火尚星星近知
汗漫多鞅掌我願權呼作蝮蛇龍潭夜雨

壞館風吹子午花當年臯比揖顯家九苞是鳳原稱鳥五
化為龍不謂蛇江漢重來新賈傳鉛刀猶是舊侯芭致書
世上飢驅者莫向屠兒寄歲華豹隱春風

方壺海外毓珠胎移尚神州佐玉壘大菊欻然推上聖中
冷不敢署仙才天留漉釜山中夢人慕含館日下來此地
相如多渴病青泥莫教便如灰丹井甘泉

五馬神仙愛學書襍頭親滌玉蟾蜍寒烟燭石飛新雨春
鴈窺人下太虛梅市至今思畫舫官齋自昔號顛廬揮毫

安東縣志 卷十四

藝文下

二十五

曾念眉山否頓悟當年髻即予墨池飛霧

晚步墨池

閻爾梅徐州人

百畝池涵古墨香畫橋橫水綠蘋光清秋倒影魚吞月落
日沉金鷺語塘碑冷蒼苔埋鼎顛風高醴酒賽祠堂不知
書畫船何在吾欲搴芳着夜航

漣水道中

水落黃河欲降霜奔湍萬里勢蒼茫人烟近眼先紅葉客
路催行半夕陽大野晴雲飛海鶴西風秋草伏天狼短衣
匹馬投村店豆粥孤燈共一牀

過鹽河同主馭六年兄賦

曹循昌湖廣人
翰林

城河北枕萬家烟綠草灣迴古阜連日氣蒼涼青蓬遠山
光峯嶺照雅巔土山人語僧窺渡荒寺鐘鳴豕下田一線
分明葭露水汰秋共趨海鹽船

連城晚眺

邱俊孫 山陽人
泰政

大淮東下直如弦海口蘆絳此泊船北郭桑麻陽翟賈六
街烟火武城弦水晶鹽放牢盆滿金碧樓高井幹連吾邑
隣疆纔一望蕭條衰柳咽寒蟬

月夜過九陽洞池上

伍達行 江西
進士

山人羽化石壇墟十畝方塘盛水渠蒲洞裏雲光還出沒
爐邊丹氣久模糊琴心歲晚看銀鏡鶴駕風遙冷玉壺歸

安東縣志 卷十四 藝文下

二十六

路不知天早暮滿城霜露打槐烏

連城晚秋感興

夏曰珙 山陽人
探花

河梁魚罾弔三星松栝風高塔語鈴海國青霜遙夜集憚
人勞夢幾時醒繭絲無風償危漏水旱尤難卜瓦甕農事
纔休催貼站哀楊淒切短長亭

入安東城有感

梁以樟 北直人
解元

海安歲杪忽驅車猶記當年此建旗劍脫延津龍去遠兵
銷秦塞馬鳴虛風塵失計依劉表鳳鳥哀愧接輿城郭
蕭條淮日暮寒溫空把故人書

采巖弔孝廉王馭六墓

湯調鼎 清河人
進士

萬柳叢中枕玉蚪蕭條巖鳥映舸軒韋編燈冷天阿閣古
檜雲荒海國秋宿草幾年埋屈賈還丹何術起曹劉乾坤
真覺人亡庠原上鶴鷓叫古愁

坐鷓巢望飲牛草堂懷張虞山刈麥漣水

靳應昇山陽人
茶皮

記得春淡柳葉稠湖濱約共此扁舟
饑來斗麥催人去客到雙柑空爾留
鳧渚風帆外遠草堂雲樹雨中收
山齋夜夜餘詩話只為懷人起暮愁

碩項清波

孫文顯邑貢生
山陽人

平湖遙望靄空濛萬頃玻璃夕照中
烟湧似潮鳧雁集月

安東縣志 卷十四 藝文下

二十七

明如練水天同衣微村落隨波香寂歷
漁燈傍岸滿紅日
蒼葭秋氣爽潮洄願作押鷗翁
山莊郎近湖邊

墨池亭上望能仁寺古塔

墨池西望日初顏一笏青山插水隈
百雉烟生城角暮殘揚風動塔鈴哀
畏憚彷彿包禪火樓觀崢嶸護講臺
歸雁不知何事怨呀啼過古祠來

漣水八景

何年青社故王宮彷彿金城百雉崇
朱郎舊嘗聞輦道典籤何處抱遺弓
雲仍禁苑槐衙綠楓學歌筵燭影紅
鐘鼎功名銷不盡海人指點夕陽中
金城晚照

中柱連城半壁天
曉昏青鎖萬家烟
西歸臥佛何時醒
百丈浮圖斗氣連
縹瓦光澄雲獲落
朱夢秋月月嬋娟
定鐘後慈幢冷銷
盡人間草木年能
仁寶塔

龍去潭空帶瓦橋
潭雲猶自起迴潮
三更風雨喧城堞
百道精靈混斗杓
鱗早壞金丹氣飽
爪牙噴玉海光搖
作霖已得天門種
不患桑麻沃土焦

龍潭夜雨

墨邑淋漓映水青
方塘迤演截滄溟
蘋花夜吐江郎筆
隣火宵懸處士星
日昃城隍鳩逐嬾
霧飛高檻鶴梳翎
風流歲久荀香在
碑石猶存舊館銘

墨池飛霧

西枕桑墟東接河
煙波深處起漁歌
蘆花夢熟霜前雁
帶

安東縣志

卷十四

藝文下

二十八

青翻雨後鵝層落
湖灘收白小稻肥
秋井閣蒲螺口錢
塞賦千家急業如
今仰釣蓑碩項清
波

五色文成照九寰
豹堂會是舊柴關
人師理學開濂洛
金馬詞名小謝顏
設樂談經重泮水
環橋講爰高山如
今攬轡蓉城遠簾
外開花滿地斑

豹隱春風

靈源歲汲井花香
仙子投丹化密房
百尺泉飛隣海穴
千年人道長砂床
輓轡畫靜雲生嚮
餅盃朝提玉有光
縣尉年來梅福少
衙齋莫使盜泉傷

丹井甘泉

淮滢孤城似直言
信潮來去只須臾
樓船花鼓天吳曲
蜃市雲旗海若圖
萬弩鳴秋墮赤岸
千家舉矢接蓬壺
驚濤

噴薄尋常有米令投詩事有無 赤岸寒潮

詠節孝蘇氏迴文

悠悠懿德毓芳年苦節清貞耀日妍愁對黯燈孤淚雁夢
回殘夜隔行鴛秋天皓月澄心鑑凍竹寒松凜節全坵墓
樹碑坊載里流傳永歲紀英賢

過安東視司篆值卜孝廉編邑志成捐助以襄其邑

候昌胤 鹽運幕宛平人

倦遊難擇一枝安風動黃河白晝寒連水石舟驚世界柴
湖蛟窟起仙丹著書幸有青雲客煮海慚多五日官相望
而今誰莫逆乘時休待菊花殘

安東縣志 卷十四 藝文下

二十九

丙寅夏五 召集瀛臺宣詢河議恭紀二首

嵇亮 邑貢生翰林院待詔

江淮半壁枕洪流底定常深宵肝憂欲遣鮫人恬海若先
傳蠡測荷天誨禹功千載歌無敵賈策三陳計最優試聽
元臣宣睿語司空指日下揚州
香深太乙藕花紅 召向瀛臺御苑東玉語重宣沉白馬
金錢不惜奠衣鴻黃河久著安瀾集紫海行看砥柱功帝
德如天民愠解康衢歌舞逐薰風

東山寺看菊

張世貞 邑貢生

東山精室傍河隈慧遠重來蓮社開鷗鳥悅禪聞磬集薜

蘿補衲倩霜裁香空有色留人醉花淡無言淨客哀晤後却忘秋夜晚道遙同伴月明回

抵都門喜晤同里程坡士叅藩即用來韻奉酬

金人望邑副榜同知

吟壇久冷不堪思垂老猶令逐貳師消受冰霜鴻雁記勾留歲月羝羊知身隨計吏疑前夢烏避溪林已後時乍見驚憐予止酒何須更問別來詩

懷連水王予鶴秀才

襄賁一水論交地隔歲音書歎亦稀蓬裏懷人思不盡春淡作客夢先歸生平誼重留雲子江海愁分老布衣為念

安東縣志卷十四藝文下

三十

幽居高士在衡門咫尺共相衣

顧頂湖

張為法邑貢生高淳訓導

湖名石護在連東萬頃滄茫一望空賈客往來青草外漁歌遠近夕陽中他年坐艇看魚躍今日乘牛問路通自是河臣經理到垂垂兩岸柳搖風

桃源行竝引

嵇仞獻天眉邑貢生

連之西邱去城四十里居人多桃為圃庚戌清明前二日桃花盛開粲若蒸霞繁行十餘里儼似武陵谿徑偕二三友人攜酒具延途酣賞佐以狂歌感美景之難逢良會之易失也作詩以紀之

十里天紅春色奢行人步步入桃花武陵曾引漁郎徑茆午屋依然隱士家芳草流連歌白雪玉壺獨倚醉青霞年

來自失當前景悔向天涯泛客槎

邨居

徑繞蓬蒿翦鋤就荒吾亦愛吾廬
蒸藜餉婦攜新酒分火隣家讀舊書
社散人歸疎樹外晚晴鳩喚落霞餘
江潭憑弔年々淚又見榴花照眼初

黃河

濃青兩岸夾洪流廣潤功神絡九州
沙湧濤翻山岳撼雲遙天遠日星浮
消融湖海滄桑易蕩祿乾坤渣滓收
萬里有源溯霄漢乘槎真个覓牽牛

范公堤

安東縣志 卷十四

藝文下

三

偶向一帆問舊溪居人猶說范公堤
千年草木川原迥曠代風流斗嶽齊
海市樓臺初旭外津橋車馬夕陽西
風簷回首觀人代多少興亡客思迷

一帆舊河名

同張齊仲過繼善菴

尋幽直欲到巖棲兩屐春風曳杖藜
花徑暗侵蒼蘚溼僧槽樓高接北雲
齊鐘隨晚照窓前落鳥僻遊人竹外啼
已 是寶林開勝地更從何處覓曹溪

淮海長堤

朱昭 晉軒邑拔貢

堤障長淮水滙黃殫九斥瀟苦滄茫
崇蔭兩岸參天柳瀟泅中流到海航
危躡屢經勞訓飭懋猷終歲慎修防
祇今

澤國為安堵成頌平成日月光

夏日遊覺慧寺

王 藻 邑同州

綠槐高柳映樓臺王氣消沉佛殿開
勝跡迄今留白社荒址幾處長青苔
蟬聲斷續隨風轉梵唄高低隔檻來
頻向山僧論宿昔留連終日不知回

上貞觀

劉之愉 邑廩生

故里滄桑事已非千年古觀尚巍巍
真人姓字傳碑記遺洞源沅問羽衣
烟覆丹泉猶未散雲開白鶴幾時歸
欲除荆棘梨棗須入華陽待紫微

章化寺

安東縣志 卷四

藝文下

三

前朝事業幾興亡寶刹依然鎮一方
殿近城樓連古塔門臨河浪鎖高岡
聽經有石苔莓冷說法無人草木荒
獨幸碣鐫遺筆在只今猶憶米襄陽

過上真觀

嵇宗貢 邑廩生

亂水瀟湘鎖碧苔上真觀抱古城
隈庭留馴鶴供仙跡砌滿閒花向客
開老道裁雲補而衲隣免羅雀上香
臺逾清涼處逾清淨半日跏趺熱念
灰

登挹漣閣

張霞標 邑人

閑訪元龍上畫樓城隅極自正
溪秋寥花風起來孤艇澤國天清
下白鶴仙去九陽丹井在龍驅一
杖斷橋留憑欄

不禁滄桑感日暮題詩任唱酬

晚步望周羽士碑及米公祠舊址

暮色淒迷古岸東行來遙睇塔燈紅涼雲不掩橋頭月暑
氣全清水面風苔蝕殘碑仙跡杳祠荒蔓草墨池空廢興
欲問前朝事歷數還白髮翁

洗墨池立碑并引

安東邑志為宋遼水軍舊地署右一池米南宮知軍時每
捺墨于此明初貳尹李君侃曾監碣年久湮沒無存余郎
其遺址復為勒石大書米南宮洗墨池六字并紀以詩

安東縣志 卷四

藝文下

三

重鐫一石到荒池芳蹟從教後代知好事漫嘲遼水令多
情應識硯山碑龍蛇舞憶雙鉤日風雨愁生坐眺時擬卜
亭成招勝侶覓將黃葉共題辭

和前韻

劉振遠 宿遷

更披蕪草闢荒池仙令心期海嶽知一代風流傳舊跡千
年盛事看新碑郎吟唱科頭日憶惜狂書濡髮時安得
與君同眺賞開懷細讀髯公辭

和前韻

張蘭私

一泓寒碧米公池大雅風流草木知人有文章能壽世公
非賢哲不垂碑蚓蛇生動揮毫日袍笏顛狂拜石時景仰

前徽遺跡在千秋心印表微辭

余念峯明府招飲米公亭納涼限韻二首

江園桐城人邑教諭

米顛芳躅至今存遺沼新開墨有痕
暑喜承仙令台披襟爽襲故人言
牕臨大野風無障雲過長空日乍昏
好辟方塘還種柳濃陰淡處見朝暎

司馬雄談禮數寬解衣揮塵共盤桓
南宮石上詩堪紀北海樽前賓盡歡
千樹花栽潘岳韻一官匏擊鄭處難不須
更作松風想朗對冰壺六月寒

墨池懷古和余明府韻

藝文下

安東縣志 卷四

十四

池頭水落徑苔荒翰墨猶爭日月光
定有蛟龍潛夜雨非徒碑碣飽秋霜
近城燈火分漁艇傍塔烟雲繞佛場
海嶽風流誰接武詩文今喜遇歐陽

遊米公亭

洗墨池荒喜復新亭軒幽僻趣閑人
一屣清淺還飛霧兩岸蕭疎足避塵
傍柳開懷遲海月臨風爛醉岸儒巾
莫云老我狂遊成佳興何妨晏集頻

嵇建邑貢生

孤亭新築墨池邊北枕荒城隔市廛
澄水一泓平似掌浮雲幾片淡于烟
春將去盡還逢閏日漸長來可當年拜石

心情誰接武裁詩把酒意流連

顧 纓 邑廩文

俯仰前人興欲狂墨池亭畔水痕香文章事業乾坤永憑
眺情懷主客忘隔寺烟淡歸鳥亂傍城風急野雲忙何由
憑杖華胥夢邀得顛仙入醉鄉

劉可法 邑貢生

閏春三月可人天亭榭新成景正妍喜有醇醪邀舊雨愧
無佳句弔前賢鐘聲斷續傳西寺樹影高低靄暮烟千載
顛仙呼欲出徘徊池畔共忘旋

吳 江

安東縣志 卷四

藝文下

三

東來黃河下海門迢迢對峙鎖天根魚龍風雨收驕沫潮
沙雷霆息怒痕青接山光環雉堞綠連樹色繞花邨崑崙
而上來星宿誰向堤頭溯始源

五言絕

題臥佛

徐振芳 北海人

佛轉夢覺關但臥不肯起即此是津梁閒雲與止水

臥佛

張豹 邑進士

我佛何曾臥機參入定禪還將閉目意普結大千緣

赤岸

張緯 邑貢生

詩息洪濤怒臨風憶米顛乃知清白吏何境不恬然

過平河園亭

偶爾到虛亭天空四望新雲臺山色好不改舊時青

雨後過祇園菴

安東縣志

卷西

藝文下

三六

苔蘚門前徑黃梅雨後天相過清話久半字不聞禪

赤岸寒潮

陡岸洪濤險驚魂落短篷投詩感河北伯千古一南宮

碩項清波

萬頃琉璃境十畦楊柳邨滄桑都瞬息陵谷那堪論

豹隱春風

教讀作公卿堂因賢者名惟賢能不朽富貴匪為榮

墨池飛霧

南宮墨有靈餘瀋尚飛霧願吸池中波散作儒林雨

過雁堂寺

張蘭秘

佛火耿微焰紅牆繡古苔聽經閒鳥集窺戶野雲來
其二

為乞僧寮茗行行過雁堂雁堂在何許萬樹遶滄浪

金城晚照

晚照還來照金城失故城興亡無限恨義馭只怛情

能仁寺塔

七級神工建嘉名聖主題妙通通妙理我佛不歸西

龍潭夜雨

偶與神丹遇凡魚竟化龍未知行雨苦可復羨泥中

丹井甘泉

安東縣志 卷四

藝文下

三

斥鹵井多鹹拔丹便為旨難邁有緣人聊度有緣水

七言絕句

撫桐有感

碧玉挺挺清廟才如何棄擲伴蒼苔世間多少閉花草簇

簇移居上苑栽

被謫

孤人常抱杞人憂瀝血陳言嘆未拔一點丹心終不冷夢

魂常在帝京遊

望仙橋送王義友之萊州

趙九明 唐待御

橋頭暫且割交情孤兔殲時鳳自鳴異日思綸資哲起相

期仍在望仙迎

渡淮

唐人武元衡白倉維氏人

暮濤凝雪長淮水細雨飛梅五月天行子不須愁夜泊絲

楊多一作高處有人烟

赤岸阻風

千里長淮徹底清靈英廟下誓其心二舟一物如來暗願
向洪濤深處沉

寄建水李盛五絕

蘇軾宋學士

南岳諸劉豈易逢相望無復牛馬風山公雖見無多子社
燕何由戀塞鴻

安東縣卷 卷五

藝文下

五

其二

高才晚歲終難進勇退當年正急流不獨二疏為可慕他
時當有景孫樓

其三

漱石先生難可意石壇校尉久無朋應知客路愁無奈故
遣吟詩調李陵

其四

雲雨休排神女車忠州老病畏人誇詩毫正值安人在空
看河陽滿縣花

其五

膠西未到吾能說
桑柘木麻不見春
莫羨京塵騎馬客
羨他明月弄舟人

豹隱春風

熊飛清渭來何暮
龍臥南陽去未還
昔日客遊今郡守
蔚然名在立談間

早發桑墟

胡璉 明侍郎
山陽人

芳草桑墟嫩綠抽
涼雲一宿小亭幽
雞聲野店三更月
驄馬長思下海州

贈典寶濮珍

明楚藩

不向王門笑曳裾
欲將身世樂樵漁
圯橋不遠居應往
好

安東縣志 卷西

藝文下

无

問黃公覓道書

金城晚照

載酒潒湖放棹歸
憲臺事已與今非
金城纔過初齊雨
一鎮人家照夕暉

赤岸寒潮

顯節祠前赤岸灘
怒湍聲似叱權奸
祠前尚有斯人過
魂逐潮流心膽寒

龍潭夜雨

滿天疎雨暗連眉
正是鐘聲夜半時
何處鏘鏘響瓊玉
飛泉只在白龍池

赤岸寒潮

賈 顏 邑人

頭節褒封敗後榮祠臨赤岸傍親瑩試聽吞吐潮聲處似
向祠前訴不平

能仁寶塔

嵇 綱

浮屠萬丈玉瑤成巉巍巍聳碧空漫道梵門藏舍利絕巔
然千古鎮連東

賢母荒墳

賡景瀆 巴陵人
縣訓導

呵母頭知教子方委身事國重綱常夜臺縱使荒蕪合却
有芳名汗簡香

丹井甘泉

安東縣志 卷五

藝文下

四

神君煉就得三丹石梵中吟置一丸釀出湄湄泉脈旨只
今猶沁薜蘿寒

訪求米南宮榻本摹刻亭上

計日看成十笏亭池烟幕幕冒疎櫺那能絹素尋真跡留
與人間作典型

連水八景

金城晚照

張鴻儒 劬思邑
舉人

傳說金輪王始建依稀百雉濁河西到來古跡全消後空
悵雲天夕照低

赤岸寒潮

怨濤千里接潮寒壁立沙明兩岸丹想自尾閭能逆上定
尋星宿看奇闌

能仁寶塔

古塔巍峩峙海陬深藏舍利寶千秋試登塔頂憑高望之
綠黃河傍寺流

賢母荒墳

賢能教子子忠君阿母功高尚有墳多少蒼松古柏裏荒
山寂寂播芳芬

龍潭夜雨

星暗定知飛石燕月明何處舞商羊自從龍化橋頭去霖

安東縣志 卷西

藝文下

四十一

雨蒼生在故鄉

豹隱春風

霧淡玄豹隱三連桃李敷榮泗水邊寂寞庭除人去後春
風吹綠草芊芊

丹井甘泉

九丹成藥落溪潭萬斛珠璣湧夜寒利濟心殷人未遇年
年常見水泉甘

墨池飛霧

一泓止水耀清光猶是南宮德澤長墨潘浮香傳勝蹟人
人爭說未襄陽

碩項清波

碩項湖頭湖水清湖波渺渺水紋輕他時誰記滄桑變潑地青青芳草榮

波中河

平原不道作中河商賈紛紛買棹過陵谷一經滄海變逢人莫悵廢田多

過平河後村

舍北人家近水濱漁樵比屋總芳隣盤餐為我仍真率麥飯新炊煮細鱗

連水八景

張蘭秘

安東縣志 卷五

藝文下

聖

金城晚照

當年返照晚繁華金碧爭輝絢彩霞今日斜陽仍似舊冷烟衰草滿平沙

赤岸寒潮

東西赤岸古河邊山湧潮翻客膽懸此日成平飛漿過萬株官柳匹寒烟

能仁寺塔

黃河萬里瀉崑崙七級浮屠奠海門放大光明時普照不揚波永載慈恩

碩項清波

歷陽歷劫百千餘萬頃烟波混太虛
蓑笠乘牛越阡陌絕勝天上坐觀魚

龍潭夜雨

尺木飛騰直上天上天有待且潛淵
廉纖向夜空飛灑何不為霖潤甫田

豹隱春風

豹變祇須三日霧蔚然華彩世間稀
君王前席尊文獻竟是當年老布衣

丹井甘泉

衆有貧廉判渭涇甘泉清冽仗仙靈
願將丹化渾河水萬

安東縣志 卷西

藝文下

里

里流沙永不停

墨池飛霧

翰墨流香水半溜一池殘剩偶留遺
風流千載傳高躅縱使荒涼也擅奇

大可賦

覽百川之洪壯兮莫尚美于黃河
潛崑崙之峻極兮出積石之嵯峨
登龍門而南逝兮拂華陰與曲陵
砥柱阿而激湍兮踰洛汭而揚波
體委蛇于后土兮配靈于穹漢
蒼貫中夏之畿甸兮經朔狄之遐荒

濟淮賦

徐貞卿 蘇州人

惟神淮之巨體兮緯后上而紆沅溯遐睇以究源兮指桐
柏之靈邱求禹甸之鴻跡兮引衿抱于揚州樹南國之險
限兮輔皇畿之狀猷放洪波而東注兮徂日夜之滔滔沛
紛紛以騰衍兮凌震怒于陽侯川風馮馮而卒奏兮雲景
曖而上浮龜魚翔而汎浦兮鳴重淵之臥虬榜人戒舟以
並濟兮奮辟檝而沂沅乘中沅而極望兮驚長湍之不尊

淮河合注安東賦

顧達 太僕卿
山陽人

覽河淮之交注兮何濛鴻以邈線溯崑崙與桐柏兮涌滄
溟以稽天撼地骨之嶙峋兮馭馮夷而上穿闕螭龍而擊
風霆兮聲飈百里如郵傳爾乃瑞駛驕蕩沛乎莫禦兮若

安東縣志 卷四

藝文下

四

魯縞之應弦復混濘其四溢兮見懷襄之淼漫嗟民其魚
兮汨下土以昏墊彼呱呱之弗子兮崇伯子之幹蓋玄圭
錫而告成兮馨明德于千古羌蜿蜒其馴軌仍分驚于地
中經萬折而必東兮滙二瀆以朝宗惟滄溟之浩浩兮固
一本之所同繫楚州百川之都會兮鬱靈氣之攸鍾仰前
修之懿躅兮涉大浸而無楫沐皇仁之沾溉兮覺丹衷之
猶熱願老淮之濱涯兮把任釣于春風樂河清與海晏兮
時觀化以從容

墨池賦 有序

寶應令李楷 洪桐人

安東有米南宮墨池水色半黝不改予至其池側筆未皇

他日卜孝廉際時來寶徵邑乘并廼于茱萸灣綴而為之
賦

嬋水靈之不掩歷黃玄而獨神既清濁之異性亦變幻以
合真故方圓具殊折辨珠玉之大淵淵肆莫測于潮汐廼
應于月輪或錦明而箋爛或琴瀉而雷振澗溪隱尚于山
壑返漢達善于箕津莫不涵金漱碧跳雪飛銀曳長練之
灑潔濯光鏡于澄新即有時乎改色諒隨土而為因亦以
之而周象黃廼出于崑崙矧伯益之所未詳越道元其所
遺陳都黑水之為止德哆馮夷之為絕倫乃不涇而長溜
于我眸乎屢親蓋自昔遊于玄扈實古韻皇之所賓復于

安東縣志 卷五

藝文下

五

連而見之奇一治之不論匪右軍之所臨胡墨華其盈瀆
不持戰國之蚌不貢泗水之蠙不垂任公之釣不烹張翰
之鱗惟松煤之算黝欣管城之嶙峋印月則烏綃投寒蟾
之影點霰則柳絮舞溟海之滑亶有資于畫理堯相鼓以
都彬如卦臺之在山谷譬石鼓之壯成均宜龜馬之協瑞
大有造于文人或告之李曰此南宮之舊址也稽往事而
相弔諒前喆其逡巡桀我生之邁出備雅姿于漆椽遯古
代而肆照縱一己以獨尊妙匪顛而伊賢廼丈石而相迎
名伯仲于黃蘇舉軒翔于紫宸張襄陽之赤幟信異世而
同珍予不才其匏落每攬首以秋初傷先輩之不見空

延景于春墳禮京口之宿草先生墓撫盱山以承塵百書

山奚余名之不立年逾強而沉埋知難遂于汗漫惜足跡

之嶙：緬治池于簡素忽低頰而噓呻夸瑤閣之荒遠嗟

凝碧之消湮百子何其九龍難詢影娥積蘇太液開的詎

藝海之相保勝世譜之或磷駕書船以遙汎揮十紙而籌

貧裁孤後衷而俟後聊自絕于瑣珉倘斯池之不涸冀前

喆以偕春辰帝鴻之寶研睠雁字于海垠俯人間之果羸

挹浮雲而露齟辭曰公昔高象磅海嶽風斤神削光班

剝元常羲獻不相學有子友仁知絕蹕志鋒仄銳肯臧璞

矯如南鵬笑鳩鶯精靈池上生寒電洞然淡黑不敢濁同

安東縣志 卷五

藝文下

四

方丹井龍生角公應騎之入廖廓

黃河賦

嵇 襄

大哉黃河沆漭莫止沮如百泓蜿蜒萬里或曰大敦或曰

西鄙穆天子搜陽紆之山薛元鼎辨異色之水兩源之說

肇自張騫大淵之名載諸佛史雖叢議之莫宗實殊名而

一旨若夫巨靈開擘神禹奏功下撼地軸上揭洪濛西向

崑崙燦列星之浮九度東迴葱嶺分碧浪之噴雙虹峻嶒

湍激而石腐埤坻濤觸而泥窮囊清流而狀走洞溪雷震

裹黃沙以借色丹竈霞烘由是跨龍門而來躍抱積石以

西來首陽障其北道太華蔽其南垓渺瀰澶漫滄漾溯洄

風排雪澗月湧瓊臺蕩乾坤之齷齪祿古今之塵埃至放
破沙漠界洪荒鼓洮水枕莊浪迤邐秦晉紆曲裕梁在崩
乎徐魯右折乎睢妨擁瀉濟而迸逐抵淮泗而運茫沈沈
灑灑沈沈灑灑：曠兮吞兮偕百川而朝宗于大壑浩兮蕩
兮統萬涯而融貫乎巨洋會歸海國水德靈長俯連地脈
仰澈天潢此黃河亘古今之大畧也敢抒蠡測漫紀一章
歌曰黃河直上兮與天通逼銀漢兮浮太空森漠萬里兮
下淮東敷澤流膏兮伊誰之功亂曰聖人出兮黃河清五
百年兮今復生海不揚波兮鞏金城歲億萬兮樂昇平